



सा:गु भिंगु मरिचरिया नितिं
लुमंका दिसँ !

लक्ष्मण गमाल 'चिलिभि'
प्रोप्राइटर



लाखा छें
LAKHA CHHEN

सोहखुटे, वडा नं. १६, थें, फोन नं.: ४३६०७५८

थुकि दुने



थौकन्हय चर्चा जुयाच्वंगु
न्यायालय
दिलिप शाही 'शान्ति यज्जु' - २



मोहनिबलय यल लायकुलिइ
पिकाइगु नवदुर्गा प्याखं व पाया:
लहना डेस्क - ३



नेपालभाषाया छग: जहाँ थीगु नगु
लक्ष्मण नेवा:
मीना बज्राचार्य - ६

थेचव्या नवदुर्गा प्याखं
किपा कृतन जोशी - ४-५

देय् दबूया धमाधम नगर कमिटी गठन प्रकृयाया खँय् दन न्ह्यसः

लहना संवाददाता

नेवा: देय् दबू सकल नेवा:तयगु राष्ट्रिय संगठन। नेवा: समुदायया राष्ट्रिय संगठनया रुपं दयाच्वंगु नेवा: देय् दबुलिं थौकन्हय् महानगर कमिटी गठनया ज्यायात न्ह्य:ने यंकाच्वंगु खनेदु। थ्व हे इवल्य वंगु असोज १६ गते शनिबा:या दिनस यें महानगर समिति नीस्वनेगु ज्या नं जुल। देय् दबू केन्द्रीय नाय: नरेश ताम्रकार, यें जिल्लाया नाय: मचाराजा महर्जन, बागमती प्रदेशया नाय: उमेश स्थापित, नेवा: मिसा दबूया नाय: रश्मिला प्रजापतिलिसेया उपस्थितीइ जुगु भेलां शोभा महर्जन बज्राचार्यया अध्यक्षताय् यें महानगर समिति गठन या:गु खः।

अथे हे, यल महानगर कमिटी गठन याय्गु नितिं २० वडाया बुद्धरत्न शाक्ययात कजि ल्यय्गु ज्या जुल सा कजिपाखें ३० गते दुने यल महानगर समिति गठन याय्गु घोषणा नं जुइधुकल। यल जिल्ला दुनेया महालक्ष्मी नगर कमिटी ला गठन जुया: नं असोज २६ गतेया दिनस हिदान ज्याइव: नं जुइधुकल। नेवा:तय



राष्ट्रिय संगठनया मान्यता कयात:गु, आदिवासी जनजातिया म्हसिका पौ दय्केत नेवा:यात नेवा: ख: धका: सिफारीस बीगु नेवा: देय् दबूया संगठन विस्तार जुयावंगु ला बांला:गु हे खँ खत। तर संगठन विस्तारया इवल्य सकसितं क:घाय्त मस्व:गु, प्रकृया पूमवंकूगुलिसेया थीथी द्वपं देय् दबूयात व:गु दु।

दक्कले न्हापां ला महानगर कमिटी गठन विधानसम्मत् जू कि मजू धइगु हे न्ह्यस: आ: दनाच्वंगु दु। नेवा: देय् दबूया १११५ संशोधन सहितया विधानय् परिच्छेद ८ या ३०

नम्बर बुँदाय् गाउँ/नगर समिति गठन र अन्य व्यवस्थाया बारे उल्लेख दु। उकी अप्व:लय् ११ दुज:या छगू गां वा नगर समिति गठन याय्फइगु खँ धयात:गु दु। गाउँ/नगर कार्य समिति निर्वाचित जुइधुंका: निर्वाचित दुज:मध्ये नं अध्यक्षया प्रस्तावय् समितिं छम्ह न्वकू छम्ह छ्यान्जे, छम्ह ल्यू छ्यान्जे, छम्ह दांभरिया भाला क्व:छीगु खँ नं दबूया विधानय् हे उल्लेख दु। आ: पदाधिकारीया अवस्था स्वयंबलय् यें महानगर समितिइ खुम्ह न्वकू त:गु दु। छ्यान्जे व ल्यू छ्यान्जे धा:सा छम्ह छम्ह हे जक ख:। मेपिं वडा प्रतिनिधि

धका: २६म्हेसित समितिइ त:गु दु। वडा प्रतिनिधियात नं समिति दुज: कथं कायबलय् ला अप्व:लय् ११ दुज: दइगु नगर कमितिइ २६ वडा प्रतिनिधि व ९ पदाधिकारी नं यायबलय् ३७ म्ह थ्यंवन।

उकिया नापं निर्वाचित अध्यक्ष व ७ दुज:या वैठकं जातीय संस्था, ल्यूने ला:गु समुदाय व ३३ प्रतिशत मिसालिसें अप्व:लय् ३ मनोनित याय्फइगु व्यवस्था नं दु। मनोनितया प्रकृया छु जुइ धइगु स्पष्ट धा:सा मदु। जातीय संस्था धा:गुलिइ जातीय संस्थाया प्रतिनिधि सुनां सिफारीस याइगु ख: ? देय् दबुलिइ हे दुगु जातीय परिषदं सिफारीस याइगु ख: वा जातीय संघसंस्थापाखें सिफारीस याइगु ख: स्पष्ट मदु। जातीय परिषदयात केन्द्रीय सदस्यया जक हैसियतय् त:गु धासें असन्तुष्ट जूगु पुच: मुना: हे नेवा: जातीय महासंघ गठन या:गु धइगु खँ नं दनाच्वंगु दु। छवे जातीय परिषदयात उचित थाय् मब्यूगु धइगु असन्तुष्टि सा मेखे जातीय संघसंस्थाया स्थानया खँय् देय् दबूया अस्पष्टता। अथे हे, मिसा प्रतिनिधिया सवालय् नं गुकथं

मुख्यमन्त्री अष्टलक्ष्मी शाक्य मरुसतलय्



लहना संवाददाता

बागमती प्रदेशया मुख्यमन्त्री अष्टलक्ष्मी शाक्य मरुसत: (काष्ठमण्डप) या निर्माण प्रगतिया अवलोकन यानादीगु दु। वंगु असोज ३१ गते आइतबा:या दिनस मुख्यमन्त्री शाक्य मरुसतलय् थ्यंका: मरुसत:या पुनर्निर्माणया अवलोकन यानादीगु ख:। उगु इलय्

काष्ठमण्डप पुनर्निर्माण समितिया नाय: लिसें बागमती प्रदेश सांसद राजेश शाक्य मरुसत:या पुनर्निर्माण गुकथं जुयाच्वंगु दु धइगु जानकारी बियादीगु ख:।

काष्ठमण्डपया अवलोकन भ्रमण याय्गु इवल्य मुख्यमन्त्री शाक्य ०७२ सालया त:भुखाचं ध्वस्त जूगु यक्व सम्पदामध्ये त्यं ७ पेजय्



सम्पादकीय



थः थः ल्वानाच्चवनेगु ल्वय्या विरुद्ध भ्याक्सिन गन दइ ?

धाधां थुगुसीया म्वहनि नं क्वचाल। नखत्या ल्यं पुल्यं दय्फु, तर औपचारिक रुपं थुगुसीया म्वहनि क्वचाःगु हे जुल। म्वहनि व दशैया चर्चा यायां, दुर्गा महिषासुर वध याःगु कि सम्रात अशोकं शस्त्र त्यागु याःगु धकाः बहस यायां भीगु म्वहनि सिधल। म्वहनि क्वचाय् मलाःनि, स्वन्तिं तय्जु याः वइन। म्वहनि भी सकलसिगु तःजिगु नखः खः। अथेसां भी नेवाःतय्गु नितिं म्वहनि स्वयां स्वन्ति हे तःधं। लक्ष्मीपूजा, म्हपूजा व किजापूजाया रौनक ला द हे दु, नेपाल सम्बतया न्हँदँयात लसकुस याय्गु नखः जुयाः नं भीगु नितिं स्वन्ति तसकं भःभः धाः।

थुगुने ला न्हँदँया उत्सव अथें हे क्वचायावन। ग्याःचिकुया दथुइ, कोरोना संक्रमणया जोखिमया दथुइ न्हँदँयात भीसं बांलाक लसकुस तकं याय्मखं। थुगुसी नं न्हापा न्हापा थें तःजिक हे लसकुस याय् खनी कि मखनी ला स्वय् हे मानिगु खँ जुल। आःतकया परिस्थिती स्वयंबल्य ला थुगुसीया न्हँदँ भःभः धाइगु हे खनेदु। थुगुसी भी वसन्तपुलिइ मुनाः ‘ भिन्तुना दु भिन्तुना, न्हूगु दँया भिन्तुना’ धकाः सः थ्वय्के खनीगु खनेदु। कोरोना संक्रमण आः थहां मवनेमा, भी सकलें छथाय् मुनाः न्हँदँ लिसें मेमेगु लसता नं हनेफय्मा धकाः कामना याय्। कोरोना महामारी ला छन्हु न छन्हु मुक्ति चलाइ। थौं मखुसा कन्हय् कोरोनायात भीसं बुकां त्वःते। तर छगू भाइरसं धाःसा नेवाःतय् गबले त्वःतीगु मस्यु। व खः वं वइगु वं वइगु नागःतुगः यानाः ल्वानाच्चवनेगु।

म्वहनिइ नं अथे मखु थथे, थथे मखु अथे धाधां ल्वाल्वां नखः सिधःगु जुल। आः स्वन्ति वल, आः हाकनं स्वन्तिइ नं लक्ष्मी द्यः मखु, लछिम द्यः पूजा याय्गु, यमपञ्चक मखु, भीसं स्वन्ति हनेगु आदि खँ ला जुइ हे तिनि। अले तिथिया विवाद ला ल्यं हे दनि। खतुं थुगुसी तिथिया अपायसकं छुं विवाद याय्मालीगु स्थिती खनेमदु। भी नेवाःतय् क्वःपूजा व खिचापूजा अपायसकं छुं याय्माःगु मदु। थुगुसी क्वःपूजा व खिचापूजा छन्हं लानाच्चवंगु दु। थुकियात कयाः नेवाःतय्सं उलि च्यूताः तयाच्चवनेमाःगु मदु थें च्वं। अथेसां छुं न छुं ला विवाद पिहांमवइ नं धाय्मफु। छायाःसा भी नेवाःतय् न्ह्यागु नखः जूसां विवाद याना हे च्वनेमाःगु परम्परा थें खनेदय्धुकल।

राजनैतिक अधिकारया खँ ल्हाःसा भी गुलि न्ह्यःने दु, प्रशासनिक क्षेत्रय् भीगु उपस्थिती गुलि दु ? थज्याःगु खँ ल्हाःसां सकसिनं न्हाय् कय्कुकी, न्हाय्पं हे प्वाः तिनावी। तर थुकथंया विवाद याय्गु जुल धाःसा सकलें थवंथवय् ब्वः बीत न्ह्यचिली। थ्व नं छगू भाइरस, छगू ल्वय् हे थें च्वं। थुकियाविरुद्ध भ्याक्सिन गन न्याय्गु दइ जुइ ?

थौंकन्हय् चर्चा जुयाच्चवंगु न्यायालय



दिलिप शाही “शांतिचञ्जु”

खय्तला तत्कालीन प्रधानमन्त्री केपी शर्मा ओली संसद विघटन याय्वं हे न्यायालय चर्चाया केन्द्रय् लानाच्चवंगु खः। ओली याःगु असंवैधानिक विघटनयात न्यायालय नं सदर याइगु खःला धइगु हुइना भुइना उगु इलय् मज्जुगु निश्चित रुपं मखु। आपालं जनदवाव व निरन्तर रुपं न्यायालयप्रति च्यूताः प्वकाच्चवंगु कारणं यानाः न्यायालय अन्ततः प्रधानमन्त्री ओलीया पलाःयात असंवैधानिक घोषित याःगु खः। अदालतया आदेश कथं प्रधानमन्त्री केपी शर्मा ओली प्रधानमन्त्री पदं बहिर्गमन जुइवं धाःसा न्यायालययात कयाः हाकनं मेगु द्वपं बीगु शुरु जूगु दु। विशेषतः तत्कालीन प्रधानमन्त्रीलिसें एमालेया अध्यक्ष ओली राजनीतिक सेटिङ कथं थम्हं विघटन यानागु प्रतिनिधिसभायात असंवैधानिक पलाः धकाः गुगु अदालत आदेश बिल उकियात कयाः तच्चय्क विरोध याना वयाच्चवंगु दु। अले उगु विरोध याय्गु ज्या निरन्तर जुयाच्चवंगु दु। एमाले अध्यक्ष ओली थौंकन्हय् नं अदालतयात कयाः तच्चःगु आलोचना याय्गु यानाच्चवंगु दु।

थ्वहे दथुइ, प्रधानमन्त्री शेरबहादुर देउवां मन्त्रिपरिषद विस्तार याय्गु इवल्य् सर्वोच्च अदालतया प्रधानन्यायाधीश थःत नं मन्त्रिमण्डलय् भाग फ्वन धइगु खँ सार्वजनिक जुइवं अदालतयात कयाः थीथी न्ह्यसः ब्वलंगु दु। मन्त्रिपरिषद विस्तार न्ह्यः हे प्रधानन्यायाधीश चोलेन्द्र शमशेर जबरान मन्त्रिमण्डलय् थःगु भाग फ्वंगु सार्वजनिक जूगु खःसा उकियात कयाः सर्वोच्च बार थःपिनिगु ध्यानाकर्षण जूगु धासें प्रधानन्यायाधीश जवरायात नापलाय्गु ज्या याःगु खः। उगु नापलाय्गु ज्याइवल्य् हे प्रधानन्यायाधीश जबरान मन्त्री जुइहेसिया नां तकं काय्गु ज्या जुइवं छुं गडबड दु ला धइगु आशंका ब्वलंगु खः। तर मन्त्रिपरिषद गठन याय्गु इवल्य् उगु आशंका बास्तविक रुपय् परिणत जुल। गुकिं यानाः सर्वोच्च अदालतयात कयाः थीथी न्ह्यसः ब्वलन। आः वयाः सर्वोच्च अदालतयात कयाः न्ह्यसः ब्वलनेवं प्रधानन्यायाधीश उकियात गुकथं काइ धइगु आम जनतायात दथुइ न्ह्यसः जुयाः दनाच्चवंगु दु।

विश्वय् अदालतयात सम्मानपूर्वक स्वय्गु यानाच्चवंगु दु। गुकिं यानाः अदालतया विश्वसनीयता अप्वया वनाच्चवंगु दु। तर नेपालय् लोकतान्त्रिक कालय् वयाः गुकथं अदालतप्रति न्ह्यसः चिं दन, थ्व पाय्छि निश्चित रुपं मखु। अदालत स्वच्छ जुइमाः, निष्कलंक जुइमाः, विश्वसनीय

जुइमाः। थ्व आम मूल्य मान्यता खः। तर जब अदालत हे राजनीतिक पार्टीया चलखेल याय्गु छ्मू थाय् कथं विकास जुल धाःसा उकियात विश्वास याय्गु गथे ? नेपाःया अदालत पञ्चायती इलय् तकं आम जनतां सम्मान याना वयाच्चवंगु संस्था खः। अभ्र धाय्गु खःसा माओवादी जनयुद्धया इलय् तकं माओवादी कार्यकर्तातय् अनावश्यक रुपं तत्कालीन सरकार

संवैधानिक परिषदया बैठकं याःगु निर्णय नं विवादया घेराय् लानाच्चवंगु जक मखुसे उकियात कयाः मुद्दा तकं दर्ता जुयाच्चवंगु अवस्था खः। थ्व कथं स्वयंबल्य् सर्वोच्च अदालतया न्यायाधीश जवरा छ्मू जक मखुसे तःगु विवादय् तक्यनाच्चवंगु दु। अले छम्ह स्वतन्त्र व निष्पक्ष जुइमाःम्ह प्रधानन्यायाधीश थुकथं विवादया चाकलय् लाय्गु धइगु देय् व जनताया



ज्वनाः कुनेगु यानाच्चवंगु खःसा गुलिखे मनूतय् अदालत संसम्मान रिहाइ याःगु खः। अदालतया थज्याःगु हे कारणं यानाः खः सर्वसाधारण जनतायाके अदालतप्रति सम्मान ब्वलंगु खः। गुकियात कायम यानातय्गु दायित्व अदालतया खः। तर विडम्बना थौं वयाः अदालत उगु दायित्व वन्चित जक जूगु खःला धइगु न्ह्यसः थौं आम जुयाच्चवंगु दु।

सर्वोच्च अदालतया ज्या जनताया दथुइ कानुनी राज्य व संविधानया रक्षा याय्गु दायित्व दु। तर गुकथं कार्यपालिकाय् अदालत थःगु भाग फ्वंगु खँ दु। थुकिं शक्ति पृथकीकरणयात तकं आघात लाकेगु ज्या जक जूगु मदुला धइगु न्ह्यसः ब्वलनीगु स्वभाविक खः। सर्वोच्च अदालतया वर्तमान न्यायाधीशबाबरे थीथी खँ पिहांवय् पुर्लापि न्यायाधीशतय्गु फोरम न्यायालयया मानमर्दन जूगु धासें उकियात उचित निकास बीमाःगु धकाः थःगु अवधारणा तकं पिकाय्धुकूगु अवस्थाय् आः प्रधानन्यायाधीश जबरान थःत गुकथं न्ह्यःने न्ह्यब्वइ धइगु आम जनतां च्यूताः कयाच्चवंगु दु। सर्वोच्च अदालतया गरिमा ल्यंकेगु दायित्व प्रधानन्यायाधीशया खः। सर्वोच्च अदालतया प्रधानन्यायाधीशया दायित्व केवल सर्वोच्च अदालत दुने जक मखु, वय्कलं देय्न्त्यकया अदालतयात अनुशासनय् तय्माःगु खः। तर अथे मज्जुसे स्वयम् प्रधानन्यायाधीश हे विवादया घेराबन्दी लाय्गु धइगु समग्र अदालतयात कयाः न्ह्यसः ब्वलनीगु स्वभाविक खः।

खय्तला प्रधानन्यायाधीश जबरान तत्कालीन प्रधानमन्त्री केपी शर्मा ओलीया सरकारया पालय् नं कार्यपालिकाय् थःत भाग माः धकाः धाःगु खँ सार्वजनिक जूगु खः। उकथं हे प्रधानन्यायाधीश जबरान

नितिं बिडम्बनापूर्ण अवस्था खः। अथे जुयाः आः यदि सर्वोच्च अदालतया गरिमायात कायम याय्गु खःसा छ्मू जक लेंपु धइगु प्रधानन्यायाधीशया बहिर्गमन खः। मखु, थ्व विवादया दथुइ नं प्रधानन्यायाधीश उचित लेंपु मबीगु खःसा उकिया नितिं नालेमाःगु मेगु लेंपु धइगु कानुनी लेंपु हे खः। गुकियात कयाः पुर्लापि न्यायाधीशतय्गु फोरम नं माल धाःसा संसद प्रधानन्यायाधीशया बारे निर्णय याय्माः धकाः गुगु धाःगु व धइगु महाअभियोग हे खः।

अथेजुयाः आःया अवस्थाय् अदालतया गरिमा नं कायम जुइगु व प्रधानन्यायाधीशया मानमर्दन नं मजुइगु लेंपु लीगु बांलाःगु ज्या धइगु प्रधानन्यायाधीश थःगु विवेक छ्यलेगु खः। मखु यदि संसद निर्णय याय्मालीगु अवस्था थ्यन धाःसा थ्व पलाः स्वयम् प्रधानन्यायाधीशया नितिं जक मखु, समग्र अदालतया गरिमायात हे क्षति याइगु निश्चित दु। मेता खँ राजनीतिक पार्टीतय्सं गुकथं अदालतयात थःगु कथं छ्यलेगु नितिं शक्ति पृथकीकरणया सिद्धान्तयात थः यत्थे म्हिहेगु यात धाःसा थुकिया लिच्चः राजनीतिक पार्टीतय्सं नं फय्मालीगु खँय् हेक्का तय्माः। स्वयम् कार्यपालिकां हे प्रधानन्यायाधीश भाग फ्वन धकाः उकियात परिपूर्ति याय्गु ज्या याय्गु खःसा थुकिं राजनीतिक पार्टीयात ध्वस्त याइगु जक मखुसे अन्ततः राजनीतिक पार्टीया अस्तित्व हे संकटय् लाय्फइगु खँय् ध्यान बीमाःगु आवश्यकता थौं जुयाच्चवंगु दु। अदालतया गरिमा कायम याय्गु ज्या अदालतया जक मखु स्वयम् राजनीतिक पार्टीतय्गु नं खः। गुगुं नं इलय् जुइफइगु कार्यपालिकाया हस्तक्षेपयात पनेगु छ्मू बांलाःगु ल्वाभः सर्वोच्च अदालत खः। उकिया गरिमा कायम याय्गु दायित्व नं कार्यपालिकां काय्माः।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयावीफइ। छिकपिसं छ्वयावीगुयात थुगु वाःपतिइ थाय् बियाच्चवना। पिदंगु च्वसुयात उचित पारिश्रमिक बीगु न सुच बियाच्चवना।

लहना वाःपो
भनेछैं, वं

lahana.news@gmail.com

मोहनिबलय् यल लाय्कुलिङ्ग पिकाइगु नवदुर्गा प्याखं व पाया:

लहना डेस्क

यल थेचव्या ७७दैँ दुम्ह रामगोविन्द माली बाज्यः वनेधुंकल । उमेर दयावसां स्थानीय जात्राप्रतिया वय्कःया लगाव धाःसा उत्तिकं दिन । नवदुर्गा गुथिया गुथियार वय्कः वंगु असोज २९ गते मोहनिया चालंया दिनय् नं भन्डै ७ किलोमिटर न्यासिवयाः नवदुर्गा द्यः प्याखनय् बाजं थाय्त मंगलबजार थ्यंकादिल ।

मोहनिया चालं अर्थात दशमीया दिनय् यल दरबार क्षेत्रस्थित मूचुकय् नवदुर्गा प्याखं क्यनेत गुथियारत मूद्यः, ख्वाःपाः, कलेवर वसः, तिसा खःमुलिङ्ग कुबियाः न्यासि हे वयाः मंगलय् वय्गु परम्परा दु । ल्याय्कुलिङ्ग चालं व कति पुन्हि यानाः निक्कः नवदुर्गा प्याखं क्यनेगु परम्परा दु । थ्व प्याखं लिच्छविकालनिसें हे दशमीया दिनय् विजयोत्सवया रूपं क्यनेगु यानावःगु दु । प्याखंया हे इवलय् लिच्छवि जुजु मानदेवया दिगुद्यः मनमानेश्वरी (पुलांगु

तलेजु) यात नवदुर्गा गणया भैरव, काली व बाराही स्वांमाः छानाः हर्षबडाई याःगु खः । मनमानेश्वरी थेच्व नवदुर्गा गण नाप तयाः असत्ययात विजय प्राप्त याःगु विश्वासय् बधाई बीगु चलन दु । तान्त्रिक, यान्त्रिक व वैदिक विधिं हुङ्कीगु प्याखं थीथी बाखनय् आधारित जुयाच्चंगु दु । प्याखनय् खः कथलेग धकाः भैरव, काली व बाराही दथुङ्ग, मेपिं द्यःगण जवखं च्वनाः प्याखं क्यनेगु याइ । व धुंकाः छसिकथं कुमारी, गणेश, विष्णुदेवी, ब्रह्मायणी, महालक्ष्मीलिसेंया द्यःगणया प्याखं न्ह्यब्वइ ।

वंगु दशमीया दिनस नवदुर्गा प्याखं स्वयत्त शुरुवाः दरबार क्षेत्रय् म्वः म्वः हे मनूत मुंगु खः । नवदुर्गा प्याखं क्यनेत द्यःपिन्त छथासं मेथाय् यंकूबलय् नवदुर्गा धिमय् पुचः थेच्वं बाजं थानाः लसकुस याःगु खः । विजयादशमीया हे दिनय् यल लाय्कुलिङ्ग थुगुसी ६० दैँ धुंकाः स्वंगू खड्गलिसें पायाः जात्रा पिकाःगु खः । यल लाय्कूया



‘मूछें आगं छें’ या गुथियारं थुगु जात्रा पिकाय्गु चलन दु । थ्वयां न्ह्यः छू जक खड्ग ज्वनेगु याइगु खः ।

स्वनिगःया अमूर्त सम्पदाया रूपं दयाच्चंसा नवदुर्गा प्याखं क्यनेगु इवलय् गुथिं धाःसा आर्थिक समस्या फयावःगु दु । नियमित आर्थिक स्रोत मदुबलय् गुथियारतय्सं हे धेबा म्हायाः जात्रा पिकाय्गु यानाच्चनागु पुचः थेच्वया नायः राज मालीं धयादिल । ‘पुचः धर्मप्रतिया आस्थाया हुनिं जक न्ह्याना वयाच्चंगु दु, गोदावरी नगरपालिकां थुगुसी छुं धेबा ग्वहालि याःसां नियमित रूपं ग्वहालि वयाच्चंगु धाःसा मदु’ नायः मालीं धयादिल ।

नवदुर्गा गुथिया नाइके जितेन्द्र मालीं नं संस्कृति सम्पदा ल्यंकेत गुथियार जक मखसें, राज्य पक्षं नं ल्हाः माः हनेमाःगु धयादिल । प्याखंयात निरन्तरता बीत आर्थिक जक मखसें, गुथियार लुइके मफइगु समस्या नं उत्तिकं दु । नवदुर्गा प्याखनय् काली जुयाः प्याखं लहुइम्ह गुथियार लुइके मफुनि । चिलाख ज्वनीम्ह, सिंघिनी, ब्याघ्रिनी, काली, बाराही, कुमारी, ब्रह्मायणी, महालक्ष्मी द्यः ज्वनीपिं मुं हे मदु । तर, गुथियार मदुसां संस्कृति व परम्परायात ल्यंकेत थुगुसी मुस्याः अर्थात चिलाख ज्वनेत थेच्व लाइभोल त्वाःया रत्नबहादुर माली व सुर्जमान माली थः हे न्ह्याचिल । थेच्व पाँचो त्वाःया सरोज माली, राजीव माली, तःननि त्वाःया महेन्द्र माली, मनोज माली, लाइभोलया राजन माली, बिकी माली, दीपेन्द्र माली व पुखुसी त्वाःया रोशन मालीं प्यामि (द्यः ज्वनीम्ह मनू) या भूमिका पूर्वकल । उकी हे हीरादेवी माली, सञ्जु माली (महर्जन), सानदेवी

माली व नम्मा माली नं दुथ्यात । दक्कं जानाः यल लाय्कू क्षेत्रय् मोहनिया चालंया दिं लाकाः थेच्वया नवदुर्गा प्याखं क्यंगु खः ।

बुडमतीया भैरवनाथया जात्रा म्वहनिया चालंया हे दिनय् बुडमती मत्स्येन्द्र बहालय् भैरवनाथया जात्रा नं क्वचाःगु दु । नःलास्वनेगु दिननिसें विधिवत् रूपं न्ह्याइगु चालं व एकादशीतक जुइ । चालं व एकादशीया दिनय् न्हिनय् मिजं भैरव अर्थात आजु व मिसा भैरव अजियात भःभः धाय्क बांलाकातःगु खतय् तयाः त्वाःत्वालय् चाःहिकाः जात्रा याइ । दशमीया चान्हय् पंया यःसिं थनेगु चलन नं दु । यःसिंलय् छम्ह मनू गय्गु परम्परा नं दु । व हे मनूयात द्यःया शक्तिं सालाः हनुमानया रूपं पंया यःसिं गय्के बी धइगु जनविश्वास खु । अथे हे, सलया मूर्तिइ ख्वाःपाः तय्काः प्याखं लहुकी, गुकियात ब्वसल धाइसा प्याखंयात स्थानीय भाषाय् ‘सलचा प्याखं’ धाइ ।

बिचाः हायेका



बुदिं
१९९७/०८/१०



मदुगु दिं
२०७८/०६/२२

मदुम्ह राजेन्द्रदास बाबु

नेवार समाज हड्कड्या नायः रचना प्रधानजुया

हनेबहःम्ह अबु राजेन्द्र दास बाबुजुया

थ्वहे २०७८ असोज ६ गते शुक्रवाः कुन्हु आकाभाकां

मदुगु बुखं न्यनाः नेवार समाज हड्कड तसकं हे

मर्माहत जुयागु दु । थुगु दुःखया इलय् दिवंगत आत्माया

चीर शान्तिया कामना यासैं दुःखंकःपिं सकल

छँजःपिसं धैर्य धारण याये फयेमा धइगु मनंतुसैं

बिचाः हायेकाच्चना ।

नेवार समाज हड्कड परिवार

आयो नून खाई स्वस्थ रहौ



जातिरामन आयो, 'आयो नून' यस्ताले स्वास्थ्य खैरै जुम

उपायविबल्ले कर्मिबाट मुक्ने विवरणितः

१. नई दुई, धातु वस्तुको, को नून खानी वस्तुको, को नून वस्तुको नई नून खानी
२. नूनको नूनको, नूनको नूनको, नूनको नूनको, नूनको नूनको, नूनको नूनको
३. नूनको नूनको, नूनको नूनको, नूनको नूनको, नूनको नूनको, नूनको नूनको
४. नूनको नूनको, नूनको नूनको, नूनको नूनको, नूनको नूनको, नूनको नूनको
५. नूनको नूनको, नूनको नूनको, नूनको नूनको, नूनको नूनको, नूनको नूनको
६. नूनको नूनको, नूनको नूनको, नूनको नूनको, नूनको नूनको, नूनको नूनको
७. नूनको नूनको, नूनको नूनको, नूनको नूनको, नूनको नूनको, नूनको नूनको
८. नूनको नूनको, नूनको नूनको, नूनको नूनको, नूनको नूनको, नूनको नूनको
९. नूनको नूनको, नूनको नूनको, नूनको नूनको, नूनको नूनको, नूनको नूनको
१०. नूनको नूनको, नूनको नूनको, नूनको नूनको, नूनको नूनको, नूनको नूनको

नूनको नूनको, नूनको नूनको, नूनको नूनको, नूनको नूनको, नूनको नूनको

सोमेट ट्रेडिङ कर्पोरेट लिमिटेड

केन्द्रीय कार्यालय: पौ.व.नं. ५५९, काठमाडौं, काठमाडौं, काठमाडौं, काठमाडौं, काठमाडौं

९७०००९, ९७०००९, ९७०००९, ९७०००९, ९७०००९, ९७०००९, ९७०००९, ९७०००९

राम प्रजापति प्रोप्राइटर

हारती मिठाई भण्डार

(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।

फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।





नेपालभाषाया छगः जहां थीगु नगु लक्ष्मण नेवाः



मीना बज्राचार्य

नेपालभाषा छयःया आपालं व्यक्तित्वपिन्सं थुगु दैय् थ्व संसार त्याग यानादिल। भीगु नेपालभाषा छयल्य् थुकिं तःधंगु क्षति जूगु दु। शिक्षाविद् लक्ष्मण राजबंशीनिसं कवि पूर्ण बैद्य, प्रा. माणिकलाल श्रेष्ठ, वरिष्ठ समालोचक इन्द्र माली, भाषाविद् रमापतिराज शर्मा, कलाकार एकाराम सिं, म्येहालामि प्रेजध्वज प्रधान व आः वयाः समाजसेवी, भाषासेवी, शिक्षक लक्ष्मण नेवालं थःगु देह त्याग यानादिल। थ्व इलय् भीगु नेपालभाषा छयल्य् वंगु ह्याकिंयात गुबलें जायके फइमखु जुइ।

नेपालभाषायानितिं थःत जिवंकाःछि पानावमंह नेपालभाषा छयःया न्ह्यलुवाः, नेवाः हस्ती, शिक्षक, नेवाः म्ये च्वमि, व्यवसायीनापं साहित्यकार नेपालभाषासेवी लक्ष्मण नेवाः ने.सं. ११४१ कौलाथ्व एकादशी शनिवाः (३० गते) कुहु ७४ दैया उमेरय् मदुगु खःसा वयां कन्हय् कुहु यैया पशुपतिइ सुर्थासिया १० :३७ बजेपाखे वय्कःया कायूपिन्सं दाहसंस्कार यानादीगु खः। वय्कः त्रिशुली काठमाण्डौ समाजया संस्थापक अध्यक्षलिसें थीथी संघसंस्थाय् आवद्ध जुयाः समाजसेवा यानाच्चनादीमह व्यक्तित्व खः। ताःइलनिसं कथुया क्यान्सर त्वचः कयाः वासः यानाच्चनादीगु हे इलय् थौं स्वयां न्यादै न्ह्यः राजेन्द्र अमात्यया कजिसुइ ने.सं. ११३७ कछलागा पञ्चमी (वि.सं. २०७३ मंसिर ४ गते) त्रिकास बचत तथा ऋण सहकारी संस्थाया ग्वसालय् नेपाः ब्याक्वेटया प्राङ्गणय् लक्ष्मण नेवाःयात थीथी संघसंस्थां तःजिक अभिनन्दन नं याःगु खः। थुगु ज्याइवल्य् जित उद्घोषण याय्गु

भाला वय्कलं बियादीगु खः। उगु ज्याइवःया हे दथुइ जिगु नर्कतिनि पिदंगु बाखं सफू “ज्यानमारा तिसा” छगू छगू सफू दबुलिइ च्वनादीपिन्त लःल्हाय्गु हवःताः चूलागु खःसा दबुलिइ दीपिं लक्ष्मण नेवाः, जनकवि दुर्गालाल श्रेष्ठ, संस्कृतिविद् चुन्दा बज्राचार्य लगायत दनाः दबुलिं जिगु सफू ब्वयादीबले उगु ज्याइवल्य् जिगु नं सफू विमोचन याय्गु हवःताः चूलागु खः।

वय्कः त्रिशुलिइ ब्वलमंह व्यक्तित्व खः। लक्ष्मण नेवाःया जन्म ने.सं. १०६७ साल (वि.सं. २००४ साल) य् अबु कृष्णलाल श्रेष्ठ व मां चमेली श्रेष्ठया क्वखं त्रिशुलिइ जूगु खः। वय्कः मर्चानिसं थःगु मांभाय्प्रति नुगः क्वसाःमह व्यक्ति खः। उकिं वय्कःया ल्हातय् नेवाः सफू गुबलें खालि जुइमखु। न्हून्हुगु सफू अध्ययन यानाच्चनी। नेपालभाषाया नितिं थःगु जीवन पानावपिं साहित्यकारत सिद्धिदास महाजुया बुदिं, चित्तधर हृदयया बुदिं हनेगु परम्परा दकले न्हापां लक्ष्मण नेवाःजुं न्ह्याकादिल। अथेहे, थाय्थासय् पुस्तकालयया स्थापना यानाः न्हूगु पुस्ताय् नव जागरण हयाः समाज सुधारया ज्याय् आपालं कुतः यानादिल। वय्कलं थःगु मांभाय् नितिं यक्व संघर्ष यानादीगु दु।

लक्ष्मण नेवाःजुं वि.सं. २०२२ सालय् रेडियो नेपालं प्रसारण यानावयाच्चंगु नेपालभाषाया समाचार व “जीवन दबू” ज्याइवः लिकाःगु विरोधय् जूगु विद्यार्थी आन्दोलनय् आन्दोलित जुयाः सक्रिय रुपं ब्वति कयादीगु खः। थुबले हे वय्कःपिन्सं यक्वः हे सास्ति नयेमाःगु खः। लक्ष्मण नेवाःजुं वि.सं. २०२८ सालय् स्ववियुं नेपालय् दकले न्हापां स्वंगू भाषा नेपालभाषा, नेपाली व तामाङ भाषां “त्रिशूली” नांया पत्रिका पिथनेत महत्वपूर्ण भूमिका म्हितादिल। जनकवि दुर्गालाल श्रेष्ठया “गरीब हाःगु राष्ट्रिय म्ये” कविता थ्वहे पत्रिकाय् न्हापां पिदंगु खः। थ्व कवितायात उगु इलय् क्रान्तिया कविता कथं काःगु खः। उकिं यानाः अञ्चलाधीश पत्रिका पिकाय् दइमखु धकाः पंगः तर्क थंगु खः। लिपा दरवारय् पहुँच दुमह



जितसिं खड्का धइमह मनूलिसे लक्ष्मण नेवाःजुया तसकं क्वातूगु सम्बन्ध दुगुलिं यानाः वय्कःया हे कुतलं हाकनं पत्रिका पिकाय्गु ज्याः जूगु खः।

नेवाः भाय्, नेवाः संस्कृति, नेवाः साहित्य व नेवाः कलायात म्वाकातय्गु नितिं थःगु भाषा, संस्कृति व कला साहित्यया महत्वयाबारे लक्ष्मण नेवाःजुं त्रिशूलीया न्हूगु पुस्तायात ध्वाथुइकाः न्हूदं हनेगु, साहित्यिक सम्मेलन याय्गु, नेपाल लिपिया प्रशिक्षण बीगु ज्या नं यानादिल। थःगु हे छैय् “नव नेपाल पुस्तकालय” पुनर्स्थापना यानाः हस्तलिखित पत्रिका पिकाय्गुयालिसें इलय्ब्यलय् साहित्य सम्मेलन, सांस्कृतिक ज्याइवः न्ह्याकाः ल्याय्मह पुस्तायात नव जागरण हय्गु कुतः यानाच्चनादिल। “भी”, “सितु” पत्रिका पिथनेत चित्तधर “हृदय”, प्रेम बहादुर कसाःजुपिं लिसे स्वापू तयाः थज्याःगु साहित्यिक पत्रिका त्रिशूलीइ नं प्रचारप्रसार यानादिल। वि.सं. २०३० सालपाखे नेपालभाषा पत्रिकाया छगू जक न्हिपौ “नेपालभाषा पत्रिका”य् सहायक सम्पादक जुयाः लक्ष्मण नेवाःजु पत्रकारिताया क्षेत्रय् प्रवेश यानादीगु खः। लक्ष्मण नेवाःजुं नेपालभाषाया ऐतिहासिक पत्रिका

“नेपालभाषा पत्रिका” न्हिपौया सम्पादक भाजु पद्मरत्न तुलाधरलिसे जानाः सह सम्पादक जुया ज्या यानादीगु खः।

वि.सं. २०४४ सालय् त्रिशूलीइ दकले न्हापां बोर्डिङ्ग स्कूल स्थापना यानाः अंग्रेजी माध्यमं आखः ब्वंकेगु शुरू यानादीमह व्यक्ति नं लक्ष्मण नेवाःजु हे खः। त्रिशूलीइ जक मखु, स्वनिगःया नेपालभाषां

स्यनीगु जगतसुन्दर ब्वनेकुथिइ न्हापा नेपालभाषां ब्वंकेत पाठ्यसफू मदुगुलिं जनकवि दुर्गालाल श्रेष्ठ व लक्ष्मण नेवाःजु निम्हं जानाः ने.सं. १११६ पाखे कक्षा १ निसं कक्षा ५ तक ब्वंकेत प्रकाशित जूगु सफू “न्हू पलिस्वां”या सम्पादन यानादीगु खः। वि.सं. २०४६ सालपाखे लक्ष्मण नेवाःजुं नेवाः गुथिइ आवद्ध जुयाः थाय्थासय् लिपि कक्षा सञ्चालन यानादिल। अथेहे लिपि पौया सम्पादकया पदय् च्वनाः लिपि पत्रिका पिथनेत वय्कलं तधंगु योगदान बियादीगु दु।

वि.सं. २०५२ सालय् लक्ष्मण नेवाःजुं त्रिशूलीया कर्मठ ल्याय्महत मुनाः स्थापना जूगु “त्रिशूली-काठमाण्डौ समाज” स्वनेगुलि महत्वपूर्ण भूमिका म्हितादीगु खः। त्रिशूली व्यापार संगठन गठन यानाः कर कार्यालयया स्थापना यानाः व्यापारीतलिसें मिले जुयाः यक्व हे सामाजिक सेवा वय्कलं यानादीगु दु। अज्याःमह व्यक्तियात थौं भीसं गुमे याय्माःगु दु। वय्कःया आत्मा सुखावति भुवनस बासं लाय्मा, थ्व हे कामना यानाच्चनी। वय्कःया भौतिक शरीर मदुसां लक्ष्मण नेवाः नेपालभाषाया छयल्य् सदां जहां थीगु नगु जुयाः म्वानाच्चनी। वय्कलं क्यनाथकूगु लैपुइ भी सकलें न्ह्याःवनेफय्मा धइगु कामना नं यानाच्चनी।

लक्ष्मण नेवाः मदुगु हसनां नुगलय् धवयेवं

यो पासा जिमि लक्ष्मण नेवाः !

त्रिसुलीया हे गंगा छ !

न्ह्याक्व बाःवनाः च्वंसां त्रिसुली

स्वीमखु गबलें स्वीमखु लः !

छम्हजक नेवाः दत्तले त्रिसुली

सीमखु गबलें, सीमखु छ !

शोकाकुल

यैया पासापिं

दुनुगलनिसं बिचाः हायेका

थुगु नेवाः गुथिया संस्थापक उपाध्यक्ष **लक्ष्मण नेवाः**

आकाभाकां मदुगुलिं जिपिं तसकं मर्माहत जुयागु दु।

मदुमह वय्कःया सुगतिया कामना यासं

छँजःपिसं धैर्यधारण याये फयेमा धकाः बिचाः हायेकाच्चना।

पवित्र बज्राचार्य
प्रमिला ताम्राकार
ऐश्वर्य श्रेष्ठ

जितेन्द्र विलास बज्राचार्य
उत्तम शाक्य
राज्यकुमारी राजवंत

नृपेन्द्र लाल श्रेष्ठ
जुजुमान महर्जन
जितेन्द्र साय्मि

नेवाः गुथि, यें

मदुमह लक्ष्मण नेवाः

बुदिं : २००७ फागुन ४ गते
मदुगु दि : २०७८ आश्विन ३० गते

यँया विकास महसुस याय्‌फइगु थासय् थ्यंगु मेयर शाक्यया दावी



यँ महानगरपालिका वडा ६ या रामहिंतिइ साहित्यकारतय्गु निंति सुविधा सम्पन्न भवन दय्कीगु जूगु दु । यँ महानगरया मेयर विद्यासुन्दर शाक्य साहित्यकारतय्गु निंति दय्केत्यंगु उगु भवन शिलान्यास यानादीगु दु ।

भवन शिलान्यास धुंका नवासँ मेयर शाक्य यँया विकास स्वय्गु, न्यनेगु व महसुस याय्‌फइगु अवस्थाय् थ्यंगु दावी यानादिल । ‘जिपि स्थानीय निर्वाचनया इलय् बहनि जुलकि लँ स्वय् मजीक धू हे धू जुइगु, अज्याःगु अवस्था आः मदु’

मिसा उपन्यासकारपिन्त हनालिसें सिरपाः देछात



भिनिम्ह मिसा उपन्यासकारपिनि भिनिगु उपन्यास छन्हुं हे पिहाँ वःगु दु । साहित्यकार मथुरा सायूमिया इनापय् भिनिम्ह मिसा च्वमिपिन्सं उपन्यास च्वयादीगु खःसा पिहाँ वःगु उपन्यास मध्ये श्रीलक्ष्मी श्रेष्ठयात न्हाप सिरपाः लःल्हाःगु खः ।

ने.सं. ११४१ स भिनिम्ह मिसा च्वमिपिन्त उपन्यास च्चका वय्कःपिन्त उपन्यासकारया रुपय् तर्क समाजय्

परिचय बिइकेगु ज्याय् वयकः ताःलानादीगु दु । न्हूपिं उपन्यासकारपिनि दथुइ जूगु धेंधें बल्लाखय् रीना तुलाधरं अप्रतियोगि कथं उपन्यास दुथ्याकादीगु खः । कासाय् तालापिन्त सिरपाः बिइगु व हने कथं शनिवाःया न्हि नेपाः ब्याक्वेटय् जूगु ज्याइवलय् न्हूपिं उपन्यासकारपिन्त हंगु खः ।

ज्याइवलय् अपर्णा प्रधान, अर्चना शाक्य, अन्जना ताम्राकार,

शाक्यं धयादिल ।

कोभिड महामारीं यानाः विकासया ज्या नं प्रभावित जूगु धासँ मखुसा महामारीया अवस्था मवःगु सा यँ देय्या ख्वाःपाः हिलेधुंकीगु तर्क दावी यानादिल ।

मेयर शाक्यं, मूर्त अमूर्त सम्पदाया ममर्त सम्भार व जीर्णोद्धार, शिक्षा व स्वास्थ्यया क्षेत्रय् थप लगानी जुयाच्वंगु जानकारी बियादिल ।

साहित्यकारतय् निंति आवसीय सुविधासहित दय्केत्यंगु भवनय् खुम्ह क्षमताया लिफ्ट नं जडान जुइ ।

अपाङ्गतामैत्री व जेष्ठ नागरिक मैत्री धयातःगु भवन आकिवंया भदौ मसान्त दुने निर्माण सम्पन्न याय्गु लक्ष्य तयातःगु दु । भवनया सम्भौता रकम भ्याटनापं ४ करोड ३ लाख ५८ हजार ९९४ रुपैयाँ खः ।

पत्रकार प्रजितयात विराट सुरत्न सिरपाः



ख्वीक्वःगु विराट नेपालभाषा साहित्य सम्मेलनय् नेपालभाषा विषय स्नातकोत्तर तगिमय् दकले अप्वः ल्याः हयादीम्ह प्रजित शाक्ययात विराट सुरत्न सिरपा लःल्हाःगु दु । शाक्ययात भिद्वः तकालिसंया सुरत्न सिरपा सम्मेलनय् लःल्हाःगु खः । शाक्य नेवाः राष्ट्रिय पत्रकार दबूया केन्द्रिय दुजः नं खः ।

अथेहे सम्मेलनय् सदिक्षा महर्जनयात नं नेपालभाषा पदक सिरपा लःल्हाःगु खः । जगतसुन्दर ब्वनेकुथि, चागः यँया ब्वनामि सदीक्षां एसईई परिक्षाय् नेपालभाषा विषयस दकले अप्वः ल्याः हयादीगु खः । नेपालभाषा ब्वना अप्वः ल्या हयादिपिं शाक्य व महर्जनयात मध्यपुर थिमी नगरपालिकाया मेयर मदनसुन्दर श्रेष्ठ,

साहित्यकार प्रतिसरा सायूमि व विराट नेपाल भाषा साहित्य सम्मेलन गुथिया नाय महेन्द्रगोपाल कर्माचार्य हनादिल । ‘जातीय स्वतन्त्रतायात क्वत्यलाः राष्ट्रया उत्थान जुइ फइमखु’ धइगु नारालिसें जूगु सम्मेलनय् यँ महानगरपालिकाया मेयर विद्यासुन्दर शाक्ययात हंगु खः । यँ देय् म्हसीका पाठ्यक्रम तयार यानाः यँ महानगरपालिकाया ब्वनेकुथिइ नेपालभाषाया माध्यमं नेपालभाषा विषय पठनपाठनया ब्यवस्था याःगु धासँ मेयर शाक्ययात सम्मान याःगु खः । शाक्ययात बिराटया पुलाम्ह नायः व सल्लाहकार डा. योगेन्द्र प्रधानं दोसल्लां न्यय्कादिल सा नायः महेन्द्रगोपाल कर्माचार्य व प्रतिसरा सायूमि हनापौ लःल्हानादीगु खः ।

देय् दबूया ...

सिफारीस जुइ वा मनोनित याइ धइगु नं स्पष्ट म्दुनि ।

थुकिया नापं देय् दबुलिइ राजनीतिक रंग कित धइगु आरोप नं इलय्ब्यलय् वय्गु याः । न्हापा दाङ अधिवेशनय् नं नेकपा एमालेंपाखें हे ह्वीप जारी यानाः त्याकावःगु धइगु आरोप वःगु खःसा आः महानगर समितिइ जनता समाजवादी पार्टी हावी खनेदत । समितिया अध्यक्ष जूम्ह शोभा महर्जन बज्राचार्य हे जसपा पार्टीया नेतृ खःसा वय्कःनापं खुम्ह न्वकूमध्ये निम्ह ला जसपा पार्टीयापिं हे दु । वडा प्रतिनिधिइ नं व हे कथं जसपाया कार्यकर्तात दुथ्यानाच्वंगु दु ।

देय् दबूया संगठन विस्तार जुल, बांलाःगु खँ खत तर, थीथी समिति गठन याय्त जूगु भेलाया बारे नेवाःतय्सं हे मसीगु, समिति गठन जुइधुंकाः सामाजिक संजालमार्फत जक जानकारी दइगु, नेवाः संचारकर्मीतय्त तक हे छुं कथं जानकारी मदइगु धइगु बांलाःगु छुमा पक्कां हे मखु । थ्वयां न्ह्यः नं दांभरिं अन्जिता खड्गीयात पदं चीकूबलय् नं थ्व विषय जिल्ला प्रशासन कार्यालय, यँय् तक हे थ्यंगु खः । उगु विषयस नं २०७६ असार

१९ गतेया दिनय् यँ जिप्रकां दांभरिं पदय् जिम्मेवारी हेरफेर याय्गु निर्णय कार्यान्वयन मयाय्त फैसला न्य्कूगु खः । थ्व धइगु देय् दबूया कार्य समिति वैठकं प्रकृयायात मल्युसे थः यत्थे निर्णय याःगु खः धकाः प्रमाणित जूगु धाय्फइ । अथे हे, अध्यक्ष आःतक याःगु दक्वं खर्च व खर्चया रकम पुष्टि याइगु भ्वं अले सम्भौता तर्कं तयाः लेखा परिक्षण याकाः कार्य समिति व साधारण सभां अनुमोदन याकाः लच्छि दुने प्रतिवेदन न्ह्यब्वय्त नं जिप्रकां धाःगु खः । उकिया नापं संस्थाया विधान लोकतान्त्रिक प्रकृति व आःया संस्थाया ढाँचा कथं मज्गु धासँ जिप्रकां लच्छि दुने विशेष साधारण सभा/साधारण सभां विधान संशोधन यानाः स्वीकृतिया लागिं पेश याय्त उर्ज ब्यूगु खः । देय् दबुलिं आःतक थ्व ज्या पूर्वकैमफुनि । थज्याःगु थज्याःगु विषय धइगु भी नेवाःतय्गु निंति बांलाःगु, भिंगु खँ मखु । राष्ट्रिय संगठन विधि व प्रकृया दुने मदु धकाः मेपिनिगुपाखें न्यनेमाःगु धइगु भी सकसिगु निंति मछालापुस्सेच्वंगु खँ खः । देय् दबुलिं थज्याःगु पक्षय् गम्भीर रुपं बिचाः यानाः न्ह्यज्याःसा बांलाः ।

मुख्यमन्त्री ...

मरुसतःया पुनर्निर्माणय् स्थानीय सरकार यँ महानगरपालिकाया ग्वहालि व स्थानीय जनताया हे कुतःया प्रशंसा यानादीगु खः । ‘थन ०७२ सालया तःभुखावं यक्व साँस्कृतिक, धार्मिक सम्पदाय् तःधंगु क्षति जुल । उकथं क्षति जूगु सम्पदाया पुनर्निर्माण भीसं हे याय्फु, दातृ संस्थाया ग्वहालि

मकाःसे नं भीसं हे ज्या यायेफु धइगुया थ्व छगू दसु जूगु दु’ मुख्यमन्त्री शाक्यं धयादिल ।

मरुसतःया पुनर्निर्माण याय्त यँ महानगरपालिकां आर्थिक ग्वहालि याःगु खःसा मरुसतः पुनर्निर्माणया ज्या न्ह्याकार्यकैत वागमती प्रदेश सांसद राजेश शाक्यया कजिसुइ काष्टमण्डप पुनर्निर्माण समिति नीस्वना ज्या याःगु खः ।

मोहनिया सिन्हःलिसें जेष्ठ नागरिक सम्मान



नखलं कुबियाच्वंगु सामाजिक सद्भावया पक्षयात पुस्तान्तरण याय्त धासँ यँ महानगरपालिका ३ वडां सामुहिक स्वां कायेगु व जेष्ठ नागरिक सम्मान ज्याइवः याःगु दु । ज्याइवलय् महानगर प्रमुख विद्यासुन्दर शाक्यलिसें पूर्व उपप्रधानमन्त्री ईश्वर पोखरेल व वडाध्यक्ष दीपक केसी जेष्ठ

नागरिकतयत दोसल्ला न्यय्केगुलिसें रुद्राक्षया माः क्वखाय्काः सम्मान यानादीगु खः ।

सम्मान धुंकाः वय्कःपिन्सं जेष्ठ नागरिक च्वनाच्वंथाय् वनाः मोहनिया सिन्हः तीगु लिसें स्वां कयादीगु खः । व इवलय् पूर्व उपप्रधानमन्त्री पोखरेलं मोहनि नखलं दक्वं भाषाभाषी

व जातजातियात सामाजिक सद्भावया सुत्रय् चिनातःगु बिचाः तयादिल ।

‘जातजाति व भाषाभाषीतय् दथुइ थवंथवय् दुःखसुख र सौहार्द्रता थकायेत मोहनि नखलं तःधंगु भूमिका म्हितूगु दु, वडां न्ह्याकूगु थुगु ज्या च्वछाय्बहःजू’ पोखरेलया धापू खः ।

महानगर प्रमुख शाक्यं जेष्ठ नागरिकया सहज जीवनया लागिं यँ महानगरपालिकां महानगर विशेष भत्ताया व्यवस्था यायेगु लिसें हरेक वडाय् जेष्ठ नागरिक मनोरञ्जन केन्द्र, जेष्ठ नागरिकमैत्री पार्क दयेकाच्चनागु जानकारी बियादिल । वडाध्यक्ष केसीं मोहनिया सिन्हःयात समावेशी दय्केत स्वयागु धासँ दैयदसं मोहनिइ वडाय् दुपिं जेष्ठ नागरिकयापाखें सामुहिक रुपं सुवाः काय्गु चलन न्ह्याकागु धयादिल । ज्याइवलय् ६५ जेष्ठ नागरिकयात सम्मान याःगु खः ।

जातीय महासंघया भिन्तुना ज्याइवः क्वचाल



नेवाः जातीय महासंघं स्वन्ति नखः व न्हूदं नेपाल सम्वत ११४२ दँया लसताय् भिन्तुना कालबिल ज्याइवः याःगु दु । ज्याइवल्य न्वासें महासंघया नायः मनोज नेवाः खड्गी जातया

नां काय्वं साम्प्रदायिक धाङ्गु प्रवृत्तिं थहांवय्माःगु खँ बः बियादिल । 'जात धाय्वं तुं साम्प्रदायिक धाय्गु प्रवृत्ति त्याग याय्माः, भीगु नांथा ल्यूने गबलेतक्क थर दइ उबलेतक

जात दइ व सकल जातजातिया शक्ति छथाय् मुंकाः देय्यात न्ह्यज्याकेमाः' नायः खड्गी धयादिल ।

सकल जातीय समाजया प्रतिनिधित्व यांनाः नवाय्गु इवल्य राजोपाध्याय समाजया नायः संजय शर्मा राजोपाध्याय सकल जातजातिया शक्तियात संगठित यांनाः नेवाः समाजयात बल्लाकेत न्ह्याःवनेमाःगुलि खँ बः बियादिल ।

उगु हे ज्याइवल्य महासंघया लोगो नं सार्वजनिक याःगु खः । सकल जातीय समाजया प्रतिनिधिपिन्सं मुंकाः कथं लोगो सार्वजनिक यांनादीगु खः । अथे हे, संचारकर्मीसिं च्वामि पदम श्रेष्ठ च्वयादीगु सफू 'जातजाति र संघीयता : कति ठिक कति वेठीक' नं उगु हे ज्याइवल्य विमोचन याःगु खः ।

शाक्यकेतु महाविहारया पुननिर्माण क्वचाल, आगंछें निर्माण सुरु

यँया मरुस्थित शाक्यकेतु महाविहारया पुननिर्माण क्वचाःगु दु । पुननिर्मित महाविहार यँ महानगरया मेयर विद्यासुन्दर शाक्यं उलेज्या यांनादीगु दु । ०७२ सालया भुखाचं जीर्ण जुगु उगु महाविहार पुननिर्माणया लागि मेयर शाक्यं ०७६ माघ महिनाय् शिलान्यास यांनादीगु खः । करीब ४६ लाख ६९ हजार रुपैयाँ महाविहार पुननिर्माण क्वचायेधुंकाः आः आँगः छें पुननिर्माणया लागि क्षमा पूजा नं याःगु दु । शाक्यतय्गु प्रमुख बहिमध्ये थ्व नं छू खः । थुगु महाविहार गणबहिल



(गणवहाः, खिचापूखु व ओमवहाः शाक्य व भिक्षुपिनिगु चुडाकर्म याय्गु दथुइ, खुशीबहिल (ताहाचाल) या थाय् खः ।



लिङ्ग पहिचान गरी भ्रुणहत्या गर्नु अपराध हो ।
त्यस्तो दुष्कर्म कसैले नगरौं, नगराऔं ।
छोरा र छोरी दुवैको जीवन सुरक्षित गरौं ।



नेपाल सरकार
विज्ञापन बोर्ड



छत्रपाटी निःशुल्क चिकित्सालय
२०१३

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

शल्यक्रिया

- मोतिबिन्दु
- जनरल सर्जरी
- नहायपं, नहाय, गपः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु लव्य
- प्वाःया लव्य
- युरोलोजी
- मिसा लव्य
- मचा लव्य
- वाया लव्य
- मिसा लव्य

अन्य सेवा

- जेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



२४ घण्टा
ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail: cfclinic@mail.com.np, www.free-clinic.org.np